

RESUMAZIUN

digl protocol dalla radunanza communal Surses, da glindesde,
igls 9 d'avregl 2018, allas 20.15, an sala Grava a Savognin

Preschaints: 225 votantas e votants
Presidi: Leo Thomann, mastral
Stgisas: Karin Hersche
Actuar: Beat Jenal

La radunanza communal Surses digls 9 d'avregl ò

- approvo cun 77 vouschs - da 57 vouschs necessarias persiva - la proposta or dalla radunanza communal da manar tras las votaziuns tar tractanda 4 e 5 sot scrutini.
- approvo cun gronda pluralitad e sainza cuntervousch igl protocol dalla radunanza communal digls 27 da november 2017.
- approvo cun 215 cunter 2 vouschs la revisiun parziala dalla lescha davart las taxas da giasts e turissem digl cumegn da Surses. Sot resalva dall'approvaziun dalla revisiun parziala antras l'administraziun da taglias digl Grischun vo chella an vigour sen igl 1. da matg 2018.
- decida da sustignair igl project da hotel da 4 steilas dalla MEZ SA a Sandeilas, Savognin, scu suonda :
 - cun 186 cunter 38 vouschs è nia concedia ena contribuziun da promoziun unica à fonds perdu da max. fr. 530'000.00.
 - cun 175 cunter 48 vouschs è nia concedia en amprest sainza tschains da dus milliuns francs.
- decida da sustignair igl project per en hotel e treis tgesas d'appartaments cun abitaziuns administradas dalla Uffer SA a Grava, Savognin, scu suonda :
 - cun 186 cunter 37 vouschs è nia concedia ena contribuziun da promoziun unica à fonds perdu da max. fr. 600'000.00 per la construcziun digl hotel.
 - cun 180 cunter 43 vouschs è nia concedia en amprest sainza tschains dad en milliun francs per la construcziun digl hotel.
 - cun 168 cunter 52 vouschs è nia decida da sa participar cun en milliun francs ve digl capital d'accias d'ena societad anonima tgi ò anc da neir fundada per l'investiziun digl hotel.
 - Cun 180 cunter 42 vouschs è nia concedia ena contribuziun da promoziun unica à fonds perdu da max. fr. 650'00.00 per la construcziun dallas treis tgesas d'appartaments cun abitaziuns administradas.
- concedia cun 220 vouschs e sainza cuntervousch en amprest sainza tschains da fr. 350'000.00 a favour digl Club da ballape Surses an connex cun la renovaziun totala dalla piazza da ballape sen parc. nr. 684, Piazza d'ava, Tinizong. La restituziun dallas ratas annualas vign scuntrada cun las contribuziuns ve digl travagl, tg'igl cumegn paia mintg'onn agl club da ballape.
- approvo cun 212 vouschs e sainza cuntervousch la revisiun parziala dalla lescha da pumpiers digl cumegn da Surses. Sot resalva dall'approvaziun dalla revisiun parziala antras la sieranza da bietgs Grischun vo chella an vigour retroactivamaintg sen igl 1. da schaner 2018.

Igl protocol dalla radunanza communal digls 9 d'avregl vign exponia a parteir digls 20 d'avregl 2018 an canzleia communal a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 16 d'avregl 2018

Suprastanza communal Surses

Igl mastral: Igl actuar:
sig. Leo Thomann sig. Beat Jenal